

TITUJUSARA CATERA

Samuchurveda Pávurubañi Títubay

1 ¹Ray Pávuru nurya jirya catera, jiryatiy ravyicha Jüdenu muchechiy, Jesucristu nusübyi jarye ray, ratidye tuvachutaniy Jüdenumu riy sanatuvye, riryadatya variy samiy sítenua saniquejada, ratatiy vuyvicha samivye sadiyá. ²Vutyuvachu simu jiryatiy vuyntucharara junare jnyada sisa, tapi mucadi judejadajisiy suteda yasay junare jnyada vuy, saquivutya, mitya. ³Diye jita, samiryundamu, sadyanu Jüdenura jiñiquejada, jiryatiy sabayada tuchü ray, ratidye tuchunumayara. Darya suteda Jüdenu vuryeyada ráñu. ⁴Rañurya catera jiiyyü Títu, sítenu radyenu nta ritay ji, jiryatiy vutyuvachu vatajuu simu Vuryindenu. Sajantyutya Vujye Jüdenu variy ji, Vuyntyityü Jesucristu jarye, samirya racha jiijehiy varintyi. (Darya supajada simu cateravara jiñiquejada.)

Títubay vichanuyada raratyuuncha, saniquenuyadara Jüdenu niqejada ruuva nijyanvay jasiy

⁵Ramunítiiy ratyocheda Créta ratyuumu ji, yatidye jdutyara jiryatiy rasütye jdutyada, yatidye bay siityariivay jnytavajyyü títajü vichadiva daryatiy rabeyada yimura. ⁶Jüdenu siityariivay jnytyi racha samiy vanu, ne ti ranique taji sanijyyü; vinu tanuqui vaturutyi sachasara; sadadyeñu racha

siityevay, ne ti ranique sanijyyü niyuyadacanu datyisá risajuni. ⁷Siityariivay jnytyi racha samiy vanu, ne ti ratuchuta tara sanijyyü, jiryatiy savicha Jüdenu siityariivay nusüñu daryajü. Ne sacha vamirya vichara, dantyamuy ne jaryi tara niqettara sacha risajü; dantyamuy ne niyuyadacanu, dantyamuy ne niqeyada jotará, dantyamuy ne criquiy jasachodacanu. ⁸Sadirye samirya jiryorimiyuni jañuñu, savatasara riy samirya jvaayadacanutvye, sacha samirya vichara, samirya vichanirya Jüdenu diya risajuntiñi, sadatyadamu jimyidye, sadatyadamu yatu risajuntiy. ⁹Santya rupade samidyer sítenu niqejada jiryatiy sumutyajadara, satidye datyanu samirya datyadodata variryi nijyanvay, sasaboniy variryi rityi nique ráníjyyü. ¹⁰Jasidye daryajü riy rajuu nijyanvay datyisamintyi, mitya niqejadacanutvye; jaryiñumiy rityi jmutyonutaniryuryi títajü Jüdenu siityariivay. ¹¹Yantya parutyaniy rivasiriyi, tapi riryatachunumaya daryajü riy rorijyanvay. Ridyeyanu daryajura taji datyadoda riryatidye canay ramusirya criquiy rapurya. ¹²Suteda jita tiqui rityenu, jiryatiy savichanuyada tuchü rijyyü. Suteda: “Créta ratyuu janvay jita vichasara quivuvye, nutyu munuñumiy tova vichavay, jamura jmyivye, pituvye

risaju riy.” ¹³Suteda sitenu riñijyu. Ramutiy yantya nique vamiryamu ruuva, riryatidye tuvachu samiy jijechitya simu Vujye variy. ¹⁴Yantya datyanu rajisiy judfyuveda tuchoda riy, tarijyemyi tuchodajisiy jarye, Jüdenu núvasiy caravye niquejadajisiy jaryentiy. ¹⁵Samirya jachityavajyu, títaju samirya dárya. Vamirya jachityavajyu jita jiryatiy tuvachusamidveriyi, ne tara samirya rijyu, mijurya daryajura rijechidye, rijechipiyajada jarye títaju. ¹⁶Rutuyadamu yitay jidyetyani Jüdenu, ridyirya jiñique mityamusiy, ramutiy vuryitay variy mitya riquivuy, rivyichadamusiy jirrachu daryajuni Jüdenu variy. Rivyichasara javityiyechavay, tuvachusamiy, ne ruvaaryuy tara jvaayada samirya, mitya.

Samirya datyadoda rijyu

2 ¹Va ji, yantya datyanura vinu samirya datyadoda. ²Yantya datyanu riy rimyityumiy riryatidye jmyi jidyetyadamu, jatoda jarye, samirya jachityavay riryecha variy, datyanuvay jarye. Vanira riryecha variy jityuvachodamu, rivyatadamu jarye risaju, riñuma paruy variy riva jichiityarijada.

³Daryantiy rimyityodamiy, samirya vichavay riryecha varintyidye, samirya vichanivye riryecha varintiyi, ne quivuyadacanumiy riryecha, dantyamuy ne niyuyadacanumiy risaju; samirya vichadada jarye riryadatanuntiy.

⁴Riryentya datyanu samiriyi vatuy vanutavay. Riryadatyano riy, riryatidye vatani jivyanu variy, ridyedyeñu jarye.

⁵Riryecha datyanuvay risaju, dantyamuy ne riryecha cadnatodamiy risaju. Riñi jita radatya jnutyadara jiryoriy, riryecha variy tapi vichanivye,

jivyanumu tuvachuvay risaju riy, riñuma nique tavay taji ranijyu Jüdenu niquejada.

⁶Daryaday yadatyano riy vaduntiy, riryatidye vicha datyanuvay varintyidye. ⁷Yechasara samiy jantyasi ridiyiya; yentya datyanu rantyityura datyadodata, sitenumu. ⁸Yadatyano samiy niquejadada, sañuma tuchu ti taji varirya, jiryatiy sajada jita vumyityasiy variy riva, ne satuchutaruy variy tariva nudavyuy.

⁹Yadatyano riy muhechimyintiy riryatidye vicha siityevay variy jipyatruju, riryatidye jvaay vanira variy. Riryajvaay jipyatru canuyadaju, ne riryecha jmutyajavay. ¹⁰Dantyamuy ne riryajvaarya sabarya variy. Riryecha sitenu tuvachuvay títajumu, ratidye vicha ratyanusara tavajyu variy vuryeyada ráñu niquejada.

¹¹Jvadicharanuma daryaju darya Jüdenu ramityadeda day jiryatiy sani say mitya títaju nijyamijura. ¹²Ramusiy jita vudyetya vuryatidye paruy riva vacha niquejada, sayaraju Jüdenu daryaju darya, vuryaparuy riva vacha niruyadantiy, vuryatidye vicha samirya jachipiyajadatavay variy, vase vichavay jarye, samirya jachityavay jirya vacha vichada rundamu. ¹³Variy jita vuryanutuy vuryichanayadamuni vuryeyada ráñu Jesucrístu, jiryatiy sadamu yajti vuryimu, sitenu Vuryindenu jita. ¹⁴Nini jita sayada jidyirya yinuyada vuryeyadaju, satidye ratyanu rata títaju taji nta vichadajisivyuy, sapuy variy vuryiva-sirya vujyuuchurveda, vuryatidye vicha jaryetasavay variy sajü, samirya vichadedacanuvye jarye. ¹⁵Yama niquera jirya títaju, yavanutyanyiry nijyanvay ratantiy, yadatyano jaryimyusidye juuchvedajisiryi, Jüdenu jtedamu yadatyano riy. Ne yarrachutanij yi.

**Nútyuramusiy vuryechasara
Júdenu siityariḡay**

3 ¹Yajachipiyataniriyi nijyanḡay, riryasabay rijyú nutyityúmiy, japujú jarye, riryatuvachu variy ruumu, riryecha vanúdyi samirya jvaayadaju. ²Yajachipiyataniriyi ne riryanique tara vacha riñijyú nijyanḡay, dantyamuy ne riryavátara júveda, samirya jachityavay riryecha varintyi, riryadityanu vanıra jachityavay nijyanḡayjyuyú. ³Vúy jerye vichanuyada datyisamiy, tuvachúsamiy, quivúchusavay, vacha nírúyada muchechimiy jarye risajuntiy, jiryatiy vuryicanuy jvaayadara vacha jvaayada; vuryamityaniñuyadara vuryunda vacha vicháda runda, jnunuyada runda jarye risaju, rimyiryenñuyada nijyanḡay varivyuy, vuryavittuyñuyada variy nuñivajyuu vuy. ⁴⁻⁵Variñi jíta, varityi sadityadoda vuryeyada ráñura jivyatáda nijyanḡayjyú, saramityadeda varivyuy. Ne saramityadeda samirya vichadeda murichirya vuy. Saramityadeda vinu yentyutyadamu vuy, jiryatiy sapuyada vuryivasirya vujyuuuchúveda variñumatiy sapirutyadeda vadi jnyúyadaju vuy, Suntumúsiy jidyerutyadedaní vuryintu vuryiva varintyi. ⁶Sarubeda jíta rajuu vuryivani Yintu, vuryeyada ráñu Jesucrístu jtedamujú sarubeda vuryivani. ⁷Súteda Júdenu samivye yitedamujú vuy, vuryatidye vicha variy sadadyeñu, vuryanúty variy rajijú vuryajnújeyasara sisá junarejú. ⁸Sítenu niquejada day jiryatiy rítesiy yivara. Ravyáta yatidye túchusarara jirya sítenu niquejada, riryatidye

jachipiyasara Júdenumu tuvachúvarya samirya vichadeda, riryatidye vicha jiyantavay samirya vichadedamu. Darya jvaayadata vuryajmútya riy nijyanḡay. ⁹Yajanumitye tajijyú rajisiy datyisadamu niqúttáda, ratatiy ridyetyaruy jimyunatyavay. Yajanumitye rajisiy niqueyadantiy, niqúetyada jarye risaju, jiryatiy riñiqueyta Júdeno niquejadanchiyu, tamá samirya ranícha taraju daryaju, tamá, mitya.

¹⁰Nítiy jaryetara datyadoda, satidye parútyaniy vase nújisiriyi siityariḡay, yadatyano vase núvajúni; netimyu ne sátuvachuruy ramu, yadatyantuníni; netimyu ne sátuvachuruy varintyi, yanuma paruy variy siva day. ¹¹Darya vanu yinuy sanumityemya sítenu nújisiy, savicha juuchati risaju, savicha jíta túchutasí jidyirya niquejadamúsiy daryaju.

Saniquejada Títubajyú

¹²Ranumatiy jpaní Aritémásiy varimyata Tíquicu yimu, yajaryuvuy variy jtijada rimujú, Nicópodisimuyú jasityi rajechipiyá ramityadédara nijyá. ¹³Yajmútyani Sénasiy jiryatiy niquejada datyini, Apódositya, nanatidye jaryuvurya jiryupiyada variy, ne nanasútyenirya tara, mitya. ¹⁴Riryantya datya vútyeryivedantirya samirya jvaayadantiy, jiryatiy richenádara jivyatara, riryecha samiy jvaavye variy. ¹⁵Rimyuchúvay jíta títaju risa vichavay ji. Yamuchúvay nújyú riy rityi vata Crístumu vuy. Samirya jiryecha títaju variy.

*Sayanuma
Pávuru*